

PRENTSAURREA

Geure eskubidea delako, bakea eta askatasuna. ETA ez manifestuaren aurkezpena

Azkenaldi honetan, abenduaren 30eko Barajasko atentatuaz geroztik batez ere, Bakearen aldeko Koordinakundetik kezka handiz hartu dugu gertatzen ari dena. Bi dira gure kezka nagusiak: lehendabizi, ETAREN beraren iraupena, eta bigarrenez, beste maila batean, terrorismoaren aurkako politikagintzan eta indarkeriaren mehatxuaren aurrean hartutako jarrera

ETAren iraupena.

ETAk bere horretan dirau, herri-hiritarron nahiari itsuarena eginez. Izan ere, edozein unetan atentatua egin dezakeen ustea dago gizartean. ETA babesten dutenek erabat lotu ezinekoa dena lotu nahi dute: politikagintza eta indarkeriaren erabilera. Eta gainera, erantzukizun hori eurek ez besteek dutela esaten darraite. Guk uste dugu ezinbestekoa dela ETAk dagokion erantzukizuna aitortu eta bere amaiera sinatu dezala eskatzea.

Alderdi politikoen jarrera.

Kezkagarria da oso, indarkeriaren aurrean alderdiek hartutako jarrera. Guk beti esan dugu terrorismoa gizarte osoaren kontrako eraso dela eta, honenbestez, gizarte osoa baturik erantzuteko moduko arazoa, baita politiko mailan ere, euren arteko gorabeheraz honuntzago.

Gaur egun, terrorismoaren aurkako borrokan elkartuta egon ez eta gainera, arazo larri hau batzuek elkarren kontra darabilte.

Hau gutxi balitz bezala, gizarteari zuzendu zaizkio beharrezkoak ez diren emozioez betetako aldeak, berez naturalak, baina guztion arteko elkarbizitza zauritzen dutenak. Ez dugu bidegabeak izan nahi hainbat politikoekiko, baina aipatutako arazoa orokorra da zoritxarrez.

Guk uste dugu oraingoan gizarteari eskaria egin behar diogula guztion artean aldarrikatzeko begi bistakoa dena: indarkeriaren ardura ETARI eta bere ingurukoei dagokiela, nahiz eta batzuek nahita eta bestek nahi gabe ezkututzen ibili diren. Aurrez aurre dugun arazoa TERRORISMOAREN amaiera edo bere iraupena da, ez beste.

Politikagintza desprestigiatu nahi bide duten politikoei ere zuzendu nahi diegu dei bat, hain zuzen, garrantziko une hauetan erantzukizunez jardun dezaten.

Gure iritziz, euskal gizarte gehienak, nork bere ideologiatik haruntzago, ahalegin guztiak ETAREN mehatxua akabatzeko erabili behar direla jotzen du,

COORDINADORA GESTO POR LA PAZ DE EUSKAL HERRIA
EUSKAL HERRIKO BAKEAREN ALDEKO KOORDINAKUNDEA

eta ez alderdikerietan. Izan ere, manifestu honek gizartearen lagin baten sostegua du, lehenengo 50 atxekipenak, hauetako batzuk gurekin bertan direlarik, besteak beste, Imanol Zubero, Adela Asua, Andoni Pérez Ayala, Garbiñe Biurrun, Luis María Vega, Begoña Azarloza eta Javier Vitoria.

Hiritar-herritar guztiei eskeini nahi diegu jarraian irakurriko dugun manifestua, nahi beste pertsonak bere sostengua eman dezan. Gestoren web orrian duzue jarrita -www.gesto.org-, posta elektronikoz ere eska daiteke eta gainera, Euskal Herriko hainbat tokitan banatu ere banatuko dugu.

Eskerrik asko.

EUSKAL HERRIKO BAKEAREN ALDEKO KOORDINAKUNDEA

28 de marzo de 2007



Apdo. 10.152 - 48080 Bilbao – Tfno 94 4163929 - Fax 94 4153285

Apdo. 176 – 31080 Pamplona – Tfno. Fax: 948 223135

Apdo. 2.063 – 01080 Vitoria Gasteiz- Tfno. Fax: 945 226838

Apdo. 5.005 – 20080 Donostia – Tfno. Fax: 943 210906

e-mail: gesto@gesto.org <http://www.gesto.org>